

## Quiché 1 - Agape Tz'ibatalic - God's Love Letter Scriptures

- Ri Xuan 15:9 Jacha' ri Tataxel quinulok'ok'ej, jeri' in xukuje' quixinlok'ok'ej. Chixjekel pa ri lok'ok'ebal nu c'u'x.
- Ri Isaiy 43:1 Are c'u ri camic, Israel, u tinimit ri Jacob, ri Ajawaxel ri xatwinakirisanic cubij chawe: "Maxe'j awib, at nu torom chic in xatinsiq'uij pa ri a bi', at, at wech.
- Ri Jeremiy 1:5 "C'ä majok chyok ri a c'aslemal, at nu cha'om chi ulok; c'ä majok chatalaxok, at nu tasom chic; nu q'uiakom chic chawij chi catux k'axal nu tzij chque ri nimak tak tinimit."
- Ri Xuan 15:16 Ri ix man xinicha' taj, xane' ri in xixincha', xixincojo rech quixbec, quiya' wächinic, cäjeki' c'u ri i wächinic, rech ronojel ri qui tz'onoj che ri Tataxel pa ri nu bi', cuya' na chiwe.
- 3 Urox Xuan 1:2 Lok'alaj wachalal, quintz'onoj che ri Dios chi kas ta utz chatel na pa ronojel ri cabano, xukuje' quinrayij chi catriktajic chi utz a wäch, je jas ri a c'aslibal utz c'o ruc' ri Dios.
- Ri Isaiy 43:4 rumal rech chi lok' catinwil wi, nim awajil, in catinwaj. Rech catc'oji' wuc' xukuje' che u colic ri a c'aslemal quebenjach winak xukuje' nimak tak tinimit.
- Ri Jeremiy 31:3 in xinc'ut wib chuwäch chi naj. In at nu lok'ok'em ruc' jun junalic lok'ok'ebal c'uxaj; rumal ri' quintakej u banic utzil chawe.
- Ri Osey 11:8 ¿Jas ta che catinya' canok, Eprain? ¿Jas ta che catinxutuj canok, Israel? ¿La quincuin ta lo quinsachisaj a wäch jacha' ri xinban che u sachisacic u wäch ri tinimit re Adma, o quenbana' ta chawe junam jas ri xinban che ri Zeboim? ¡Ri wanima' slabetajinak, nojinak che elebal c'uxaj chawe!
- Ri Xuan 3:16 "Chi' cäkil wi chi ri Dios sibalaj quebulok'ok'ej ri winak cho ri uwächulew, xuya' c'ut ri u C'ojol, ri xa' jun c'olic, rech conojel ri quecojon che, man cäsach ta qui wäch, xane' cäc'oji' na junalic qui c'aslemal.
- Ri Isaiy 49:15,16 ¿La cäsach pu lo ri ral jun nanaxel pa u jolom o cutanaba' u lok'ok'exic? Pune' c'u ri nanaxel cäsach ri ral pa u jolom, in man catinsach ta pa nu jolom. 16 In at nu tz'ibam pa ri nu k'ab, amak'el quenataj tak ri a tapia chwe.
- Ri Isaiy 41:13 Rumal rech chi ri in, ri Ajawaxel ri a Dios at nu yukem che ri a k'ab; in nu bim chawe: 'Man caxe'j ta awib, in catinto.' "
- Ri Matey 28:20 Chebitijoj che u nimaxic ronojel jas ri xixintak wi. Chiwilampe', in c'o iwuc' ronojel k'ij c'ä pa ri u q'uiistajic ri

uwächulew."

Ri Xuan 14:1 "Masach ri i c'u'x. Chixcojon che ri Dios, xukuje' chixcojon chwe in.

Ri Isaiy 41:14 Ri Ajawaxel cujiquiba' u bixic: "Israel u tinimit ri Jacob, pune' xa at c'olic xukuje' at tuka'r, man caxe'j ta awib, in catinto'. In, ri Tastalicalaj u Dios ri Israel, in ri colol awech.

Ri Isaiy 43:2 We rajawacic catk'ax pa ri ja', ri in quinc'oji' na awuc', we rajawacic catk'ax pa tak ri nima' man catjik' ta na, we rajawacic catoc'ow pa ri k'ak', man catc'at ta na, ri rak' ri k'ak' man quenicow ta na chawij.

Salmib 23:1-6 Ri Ajawaxel are' quinyuk'unic; man c'o ta cajwataj chwe.

2 Cuban chwe chi quinuxlan pa räx tak echa', cuc'am nu be jawije' e c'o wi nima' ri quelemow wi ri ja', 3 quebuya' c'ac' tak nu chuk'ab, quinuc'am c'u bic pa suc'alaj tak be, quinya' c'u u k'ij ri u bi'. 4 Pune' ta quinoc'ow chupam ri siwan ri sibalaj k'eku'm na, man quinxe'j ta wi wib che ri quieb cubij panuwi'. Lal c'u ne c'o wuc', Ajawaxel; ri k'ebu't la xukuje' ri ch'amiy la caquiya' na nu chuk'ab. 5 Suc'umam la jun ula'bal chwe chquiwäch ri e nu c'ulel; jamim la c'oc'al pa nu jolom, chemowisan la ri wuq'uiabal. 6 Ri utzil la xukuje' ri lok'ok'ebal c'u'x la quincachilaj na conojel ri k'ij ri quinc'asi' na, chupam c'u ri achoch la, Ajawaxel, quinjeki' wi na chbe k'ij sak.

Ri Xuan 14:27 Ri jamaril quinya' can chiwe. Ri nu jamaril quinya' chiwe.

Man je ta c'u u ya'ic quinya' chiwe jacha' ri u ya'ic ri caquiya' ri e aj uwächulew. Mäk'oxow ri iwanima', mawi muxe'j rib.

Aj Pilipsib 4:7 Are c'u ri u jamaril ri Dios, ri nim na chuwäch ronojel no'j, căchajin na ri iwanima' xukuje' ri i ch'obobal pa ri Crist Jesus.

E C'ambal Tak Tzij 3:24 Aretak catuxlanic man c'o ta jas caxe'j ta wi awib; aretak catk'oyic catwar na pa utzil.

Salmib 4:8 In quink'oyi' pa jamaril chanim c'ut căc'amtaj nu waram, lal c'ut Ajawaxel, caban la chwe chi quinjeki' pa cu'bisan c'uxaj.

Salmib 33:18 Ri Ajawaxel amak'el quebuchajij ri nim quil wi cumal xukuje' ri cu'l qui c'u'x chrij ri lok'ok'ebal u c'u'x,

Aj Romab 5:2 Rumal are' xukuje' c'o koquibal rumal ri cojonic, pa we tok'ob ri', ri uj tac'al wi. Cujquicot rumal ri cu'lbal ka c'u'x chi quekarika na ke ri u juluwem ri Dios.

Ri Isaiy 55:12 Ri ix quixel ulok chila' ruc' quicotemal, quixtzelej na pa ri iwulew ruc' jamaril. Aretak quixquil ri juyub xukuje' ri e u tza'm tak juyub quepok'colij na cuc' tak bix re quicotemal, conojel c'u ri che ri

e c'o pa tak ri c'ache'laj quepak'pat na.

Ri Xuan 16:22 Xukuje' ri ix camic c'o i bis. Quinwil chi c'u na i wäch jumul, cäquicot c'u na ri iwanima', ri man c'o ta c'u jun quesan ta na chiwe.

Ri Lucax 12:9 Apachin c'u ri man quinuk'alajisaj ta chquiwäch ri winak ri in, man cäk'alajisax ta chquiwäch ri e aj cajalaj tak u tako'n ri Dios.

Ri Matey 10:30 E ta c'u lo ri ix, conojel ri i wi' e ajilatalic.

Ri Isaiy 54:10 Pune' ri c'ache'laj cäquiq'uem ri qui c'olbal xukuje' quewulij ulok ri juyub, ri nu lok'ok'ebal c'u'x chawe man cäq'uetaj taj, mawi cätzak ri nu c'ulwächinic." Are' cäbin ri Ajawaxel, ri quel u c'u'x chawe.

Ri Matey 11:28-30 Tisaj wuc', iwonojel ri ix cosinak, iwonojel ri c'o iweka'n. Quinya' c'u na uxlanem chiwe. 29 Chic'amowaj ri weka'bal ri quinya' chiwij, chiwetamaj iwe wuc', chi in coch'onel xukuje' mach'al ri wanima'; quirik c'u na uxlanem che ri iwanima'. 30 Are c'u ri weka'bal ch'uch'uj, ri weka'n man al taj."

Bixonic Tak 2:10 Ri quinlok'ok'ej xubij chwe: 'Chatwalijok, nu lok'; aninak, nu lok', jo'.

Ri Osey 2:14,19,20 "In quentaquej na: quinc'am na bic chupam ri chaki'j uwo sak quinch'abej c'u na ri ranima'. 19 Israel quinban na chawe chi catux wixokil chbe k'ij sak, kas wixokil je jas cubij ri pixab, sibalaj c'u at nu lok'ok'em ruc' ronojel wanima'. 20 In quinban na chawe chi catux wixokil quinux c'u na jic awuc', are c'u ri at cawetamaj chi na chi in ri' ri Ajawaxel.

Elem 3:14 Ri Dios xubij che ri Moises: "IN RI' RI IN. Jewa' cabij na chque ri aj israelib: 'Ri IN RI' in u takom ulok iwuc'.' "

Ri Osey 13:4 Je cubij wa' ri Ajawaxel: "In, ri Ajawaxel, in ri a Dios kas aretak xatjeki' pa Ejipt: Mac'amowaj chi jun che a Dios xane' xak xuwi ri in, xuwi c'ut ri in in a colonel.

Ri Xuan 15:14 Ix ri' ri ix wachil, we quibano jas ri quixintak wi.

Ri Xuan 14:6 Ri Jesus xubij che: "In ri' ri be, ri kastzij, ri c'aslema. Man c'o ta jun copan ruc' ri Tataxel, we ta ma ta wumal in.

Ri K'alajisanic 3:20 Chawilampe', in tac'al chuchi' ri ja, quinc'orc'otic. We c'o jun cuta' ri nu ch'abal cujak c'u ri uchi'ja, quinoc na ruc' pa ri ja', quinwa' na ruc', xukuje' c'u ri are' wuc' in.

Pastor T. John Franklin

Church of Salvation, Healing, and Deliverance

COS-HAD.org